



*Sabtu, 19 Maret 2022*

**Ogen: JOB 22:1-14**



**KINITEKEN RAS KINISERAN**



Anak-anak megati kel la seleh man gulen-gulen. Padahal Tuhan perlu kel man pertumbuhan daging ras perkembangan otak anak-anak e. Kalak si mbelin pe bage, alu alasan la ntaben megati la nggit man pangan sehat, ngkurangi gula ras pangan berlemak. "Adi banci denga empetkenlah" lit bage rusur terbegi ranan pembelan diri. Em nandakenca secara naluriah jelma manusia rincuhen nandangi keriahen ras nulak kiniseran, amin gia bas sada dampar kiniseran e perlu ibas mpepaguhi kiniteken ras mperembak kita ras si mada kuasa.

Job jadi usihen sincidahken maka kiniseran e tahu maba kecedan ate, penghakimen i bas kalak si deban nari ras mawen-mawen la tertahanken pe. Teridah Job la erkiniteken sebab geluhna dem alu percuban. Seh maka temanna si Elifas pe bage ka pengakapna. Ituduhna Job erbahan salah, mekengsa akapna Job guna ngakuken kesalahenna, gelah ndatken serpang puluh. Tapi kiniseran kimawen reh labo erkiteken ukumen saja. Payo, sada sisi lit ka nge bagin pustaka ncidahken maka kiniseran e reh jadi pengukumen Dibata, banci ka jadi kiniseran erkiteken mpertahanken kebenaran bagi Jesus ras rasul-rasul, tapi arah Job kita ngangkai maka perbeben ras kiniseran enda banci jadi sebab iijjinken Tuhan. Engkai maka icubai kalak bujur? Erkiteken ieteh Dibata maka anakNa labo mungkin numpahi IA amin jadi pe si la bagi ukur. Em sinigelari kiniteken, sanga tek kita Dibata tetap melias aminna geluhna paksana mesera. Dibata tetap erkuasa amin pe langa erkedungen perbebenta. Dibata tetap IA si mpekena-kena geluhna amin pe la siangka caraNa. Tep-tep kiniseran siirespon alu pengendesen ras kerembaken ras Tuhan mpetubuh kiniteken. Kiniteken mahanca kita megegeh ras tahan uji. Sangap min siakap man banta adi erbage-bage percuban engkenai geluhna, sebab alu bage maka teridah kita anakNa.



Blank writing area with a wavy top edge.